

ხელშეკრულება №21-12-1/12

ქ. თბილისი

21 დეკემბერი, 2012 წელი

ერთი მხრივ, **საჯარო სამართლის იურიდიული პირი „საქართველოს ფინანსური მონიტორინგის სამსახური“** (შემდგომში **„შემსყიდველი“**), წარმოდგენილი მისი უფროსის მიხედვით, როგორც

და მეორე მხრივ, **შეზღუდული პასუხისმგებლობის საზოგადოება „ორიენტ ლოჯიკი“** (შემდგომში **„მიმწოდებელი“**), წარმოდგენილი დირექტორის ვაჟა ნასყიდაშვილის სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის შესაბამისად, წინამდებარე ხელშეკრულების საფუძველზე თანხმდებიან შემდეგზე:

მუხლი 1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს შემსყიდველის მიერ მიმწოდებლისგან 1.2 პუნქტით გათვალისწინებული კომპიუტერული ტექნიკის შეძენა.
- 1.2. შესყიდვის ობიექტების აღწერილობა და განფასება:

№	შესყიდვის ობიექტების აღწერილობა	რაოდენობა (ცალით)	ერთეულის ფასი (ლარებში)	საერთო ფასი (დღგ-ს ჩათვლით)
1.	ნოუტბუკი - Notebook Dell Inspiron 5720 (i7-3612M/6/1TB/HD+/1Gb GT630/6-cell) (210-38295) [272156642]	2	1730	3460
2.	პრინტერი - Printer HP Laser Jet M1132mfp-EMEA (CE847A)	3	300	900
3.	კაბელი - Cable USB for Printer 1.8 მ	3	3	9
4.	ოპერატიული მეხსიერება 2 Gb JETRAM DDR 800 SODIM (JM800QSU-2G)	2	25	50
5.	CD-R Disk Verbatim (50pcs) (43351)	4	20	80
6.	HP USB Optical Travel Mouse (RH304AA)	4	15	60
7.	Mouse Pad Grey (ESC-019)	10	6	60
8.	Mouse SVEN ml-1100 USB	6	11	66
9.	Headset SVEN AP-870	5	10	50
				ჯამი: 4735 ლარი

მუხლი 2. ხელშეკრულების შესრულების კონტროლი

- 2.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ შესყიდვის ობიექტები, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან. შესყიდვის ობიექტების შემოწმების ადგილია შემსყიდველის მისამართი.
- 2.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული შესყიდვის ობიექტების შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.
- 2.4. ხელშეკრულების 2.1 პუნქტში აღნიშნულ ინსპექტირებას განახორციელებს საქართველოს ფინანსური მონიტორინგის სამსახურის საინფორმაციო ტექნოლოგიების სამმართველოს მთავარი სპეციალისტი კახაბერ სხულუხია.

მუხლი 3. შესყიდვის ობიექტის მიღება-ჩაბარების წესი

- 3.1. მიმწოდებელმა შესყიდვის ობიექტების შემსყიდველისათვის მიწოდება უნდა განახორციელოს მხარეთა მიერ წინამდებარე ხელშეკრულების ხელმოწერიდან 5 (ხუთი) კალენდარული დღის განმავლობაში.

- 3.2. შესყიდვის ობიექტები ან მათი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ შედგენილი მიღება-ჩაბარების აქტის გაფორმების შემდეგ. შესყიდვის ობიექტების მიწოდების საბოლოო შემოწმების ადგილია *შემსყიდველის* იურიდიული მისამართი.
- 3.3. შემსყიდველის მხრიდან მიღება-ჩაბარების აქტზე ხელმოწერის უფლებამოსილების მქონე პირად განისაზღვროს საქართველოს ფინანსური მონიტორინგის სამსახურის ადმინისტრაციული სამმართველოს სპეციალისტი დავით თავაძე.

მუხლი 4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული შესყიდვის ობიექტების საერთო ღირებულება შეადგენს 4735 (ოთხიათასშვიდასოცდათხუთმეტი) ლარს, დღგ-ს ჩათვლით.
- 4.2. 4.1. პუნქტში მითითებული ფასის გადახდა ხორციელდება უნაღდო ანგარიშსწორების წესით.
- 4.3. ანგარიშსწორება ხორციელდება *მიმწოდებლის* მიერ შესყიდვის ობიექტების მიწოდებიდან და მიღება-ჩაბარების აქტზე ორმხრივი ხელმოწერიდან 7 (შვიდი) საბანკო დღის განმავლობაში.

მუხლი 5. მხარეთა ვალდებულებები

- 5.1. *შემსყიდველი* კისრულობს ვალდებულებას წინამდებარე ხელშეკრულების შესაბამისად დროულად და სრულად მოახდინოს *მიმწოდებელთან* ანგარიშსწორება.
- 5.2. *მიმწოდებელი* კისრულობს ვალდებულებას:
 - 5.2.1. ხელშეკრულებით განსაზღვრულ ვადაში მიაწოდოს *შემსყიდველს* წინამდებარე ხელშეკრულების პირველ მუხლში მითითებული შესყიდვის ობიექტი;
 - 5.2.2. უზრუნველყოს ხელშეკრულებით ნაკისრი ვალდებულების დროულად და სრულად შესრულება;
 - 5.2.3. შესყიდვის ობიექტები უნდა შეესაბამებოდეს მათთვის საქართველოს კანონმდებლობით და საერთაშორისო სტანდარტებით მათთვის დადგენილ მოთხოვნებს.

მუხლი 6. გარანტია

- 6.1. *მიმწოდებელი* კისრულობს ვალდებულებას გადასცეს *შემსყიდველს* უფლებრივად და ნივთობრივად უნაკლო შესყიდვის ობიექტები. შესყიდვის ობიექტების ხარისხი უნდა შეესაბამებოდეს ამ ტიპის საქონელზე მოქმედ სახელმწიფო და/ან საერთაშორისო სტანდარტებს.
- 6.2. მიმწოდებელი იძლევა იმის გარანტიას, რომ მის მიერ გადაცემული საქონელი იქნება შესაბამისი ტექნიკურ მოთხოვნებთან და შესაფერისი იმ მიზნისათვის, რომლისთვისაც ის არის გათვალისწინებული და იმუშავებს სრულიად გამართულად.
- 6.3. თუ საქონლის მიღებისას გამოძეღვენდება საქარხნო დეფექტი, *მიმწოდებელი* იღებს ვალდებულებას, შეცვალოს დეფექტური საქონელი ახლით 7 (შვიდი) სამუშაო დღის განმავლობაში.
- 6.4. წინამდებარე ხელშეკრულების 1.2 პუნქტით გათვალისწინებულ შესყიდვის ობიექტებზე - ნოუტბუკი - Notebook Dell Inspiron 5720 (i7-3612M/6/1TB/HD+/1Gb GT630/6-cell) (210-38295) [272156642] და პრინტერი - Printer HP Laser Jet M1132mfp-EMEA (CE847A) მოქმედებს უსასყიდლო მომსახურების და მწყობრიდან გამოსული ნაწილების უსასყიდლო გამოცვლის 1 (ერთი) წლიანი საგარანტიო ვადა.

მუხლი 7. მხარეთა პასუხისმგებლობა ხელშეკრულების პირობების შემსრულებლობისათვის

- 7.1. *მიმწოდებლის* მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში, *შემსყიდველი* უფლებამოსილია დააკისროს მას პირგასამტეხლო შესყიდვის ფასის 0,1%-ის ოდენობით შეუსრულებელი ვალდებულების ყოველი დღისათვის, რომლის გადახდა მოხდება მისთვის ასანაზღაურებელი თანხიდან გამოკეტივის საშუალებით.
- 7.2. *შემსყიდველის* მიერ ხელშეკრულებით ნაკისრი ვალდებულების შეუსრულებლობის (ან არაჯეროვნად შესრულების) შემთხვევაში, *მიმწოდებელი* უფლებამოსილია დააკისროს მას პირგასამტეხლო შესყიდვის ფასის 0,1%-ის ოდენობით შეუსრულებელი ვალდებულების ყოველი დღისათვის.
- 7.3. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან.

მუხლი 8. ხელშეკრულების ძალაში შესვლა და მოქმედების ვადები

ხელშეკრულება ძალაში შედის მხარეთა მიერ მისი ხელმოწერის დღიდან, 2012 წლის 21 დეკემბრიდან და მოქმედებს 2012 წლის 31 დეკემბრის ჩათვლით.

მუხლი 9. ფორს-მაჟორი

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

მუხლი 10. ღირსის განხილვის წესი

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 11. დასკვნითი დოკუმენტები

- 11.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 11.2. ხელშეკრულებაში ცვლილებები და დამატებები შეიძლება შეტანილ იქნას ორივე მხარის წერილობითი შეთანხმების საფუძველზე.
- 11.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 11.4. ხელშეკრულება შედგენილია ორ თანაბარი იურიდიული ძალის მქონე ეგზემპლარად, რომელთაგან თითო გადაეცემათ მხარეებს.

მუხლი 12. მხარეთა რეკვიზიტები და ხელმოწერები

შემსყიდველი

სსიპ

„საქართველოს ფინანსური მონიტორინგის
სამსახური“

მის.: ქ. თბილისი, ლეონიძის 3/5
საიდენტიფიკაციო კოდი: 204 447 330

საბანკო რეკვიზიტები:
საქართველოს ეროვნული ბანკი
ა/ანგარიში: 000609322
ბანკის კოდი: 220101107

საქართველოს ფინანსური მონიტორინგის

სამსახურის უფროსი

... ..

მიხეილ როინიშვილი

მიმწოდებელი

შპს

„ორიენტ ლოჯიკი“

მის.: ქ. თბილისი, დილომი, ბელიაშვილის ქ.
№8

საიდენტიფიკაციო კოდი: 202 052 054

საბანკო რეკვიზიტები:
ს/ს „პროკრედიტბანკის“ ცენტრ. ფილიალი
ა/ანგარიში: GE67PC0243600100009528
ბანკის კოდი 220101945

დირექტორი

... ..

ვაჟა ნასყიდშვილი